

قديم الحزن

يا قديم الحزن ليه اتحن لي؟! ..
كِن مافي الليل غيري يسهرك!!
كلما ظنيت بالي قد خلي..
تعطشك روحي وعيني تمطر
قلبي العاشق بهمك ممتلي..
ماغفي للشوق جفناً يذكرك
ماكفاك اني في بعدك معتلي..
نايفات جروح تنزف مهجرك
في وداعك اذكرك انك قلت لي..
كلما حنيت طيفي يعذرك
سيدي بالله ليه اتعن لي؟! ..
دام شوقي ما يحرك محجرك

عبدالكريم الدوسري

محتاج أودعك..!

شف كلهم ودعوني.. ما بقي غيرك
محتاج اودعك.. ياليتك تودعني!
وجهك بقي لي، وحبك لك، وتأثيرك
وشلون ترحل ويبقى كل ما تعني؟
يلغي غيابك، ونسياني، وتقصيرك
حضورك اللي بقي بعدك يلوعني
صحيح ما طالت اللحظة لتأخيرك
مثل امس.. حين انتظاري فيك يجمعني
لكن فقدت الزمن بأسباب تخديرك
يا احلى وهم.. خلد احزاني وضيعني
تكفي تفضل.. وخذ مني محاذيرك
حتى اقدر امشي بدرج عنه تمنعني
تكفي قل انه ما مر اسمي بتفكيرك
لعل قولك عن التذكار ينزعني
لولاك واحد.. قدرت القاك في غيرك
لولا الرجاء فيك، عنك الياس يقنعني!

محمد الحربي

